

Siasatan MH17: Rusia panggil duta Belanda
Free Malaysia Today
Okt 1, 2016
Reuters

Pada Jumaat, Kementerian Luar Belanda terlebih dulu memanggil duta Rusia di The Hague untuk teguran diplomatik, selepas Moscow membuat kenyataan mengkritik siasatan MH17.

MOSCOW: Kementerian Luar Rusia akan memanggil duta Belanda di sini pada Isnin depan untuk memberi penjelasan mengenai alasan Rusia untuk tidak menerima hasil dapatan siasatan nahas pesawat Malaysia Airlines MH17, kata kementerian itu semalam.

Pasukan siasatan antarabangsa pada Rabu membentangkan keputusan yang menunjukkan pelancar peluru berpandu yang digunakan untuk menembak jatuh MH17 di ruang udara Ukrain timur pada 2014 datang dari Rusia dan dipulangkan di sana selepas itu – meskipun Rusia menafikan terbabit dalam konflik di Ukraine.

Kementerian Luar Belanda memanggil duta Rusia di The Hague untuk teguran diplomatik, semalam selepas Moscow membuat kenyataan mengkritik siasatan MH17.

Kementerian itu, memetik jurucakap Maria Zakharova berkata Moscow akan menjelaskan alasannya untuk tidak menerima kaedah siasatan antarabangsa itu, yang membawa penyiasatan itu “ke arah yang salah”.

Copyright (C) 2009-2016 MToday News Sdn. Bhd. All Rights Reserved.

Source: <http://www.freemalaysiatoday.com/category/bahasa/2016/10/01/siasatan-mh17-rusia-panggil-duta-belanda/>